



Broj: JN-39/16

Sarajevo, 25.04.2016. godine

Na osnovu člana 64. stav (1) tačka b) i čl. 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-39/16 od 25.04.2016. godine, u postupku javne nabavke radova na izgradnji turističke infrastrukture na zaštićenim prirodnim područjima direktor Kantonalne javne ustanove za zaštićena prirodna područja je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: JN-39/16 od 25.04.2016. godine, te se dodjeljuje ugovor za **izvođenje radova na izgradnji turističke infrastrukture na zaštićenim prirodnim područjima** ponuđaču **SELA d.o.o. Sarajevo** čija cijena ponude iznosi 21.747,11 KM bez PDV-a, te ukupnom cijenom sa uračunatim PDV-om iznosu od **25.444,12 KM**.

Ponuda ponuđača je ocijenjena kao najprihvatljivija ponuda.

Član 2.

Ugovor o izvođenju radova na izgradnji turističke infrastrukture na zaštićenim prirodnim područjima će se dostaviti na potpis izabranom ponuđaču SELA d.o.o. Sarajevo nakon proteka roka od 10 dana, a računajući od dana kada je ponuđač obaviješten o izboru najpovoljnije ponude.

Član 3.

Ova odluka objavit će se na web stranici Javne ustanove www.zppks.ba istovremeno s dostavljanjem ove odluke i obavještenja ponuđačima.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom direktora Javne ustanove o pokretanju postupka javne nabavke broj: JN-39/16 od 07.04.2016. godine.

Procedura javne nabavke je provedena putem konkurentskog zahtjeva za dostavu ponuda.

Obavijest o nabavci broj: 522-7-3-49-3/16 poslata je na Portal javnih nabavki dana 11.04.2016. godine. Sa slanjem obavijesti na Portal javnih nabavki, zahtjev za dostavu ponuda upućen je slijedećim ponuđačima:

1. SELA d.o.o. Sarajevo,
2. BOSMAN d.o.o. Sarajevo i
3. MURAI KOMERC d.o.o. Sarajevo.

Komisija koja je imenovana Odlukom broj: JN-39/16 od 07.04.2016. godine je pored sačinjavanja tenderske dokumentacije izvršila javno otvaranje ponude, izvršila analizu ponuda u formalno-pravnom i tehničkom smislu, sačinila zapisnik o pregledu i ocjeni ponuda i dala preporuku o izboru najpovoljnijeg ponuđača, u predmetu nabavke i izvođenja radova na izgradnji turističke infrastrukture na zaštićenim prirodnim područjima te dostavila direktoru Javne ustanove s ciljem donošenja konačne odluke.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda, o čemu je sačinila odgovarajuće zapisnike u kojima je utvrđeno slijedeće:

- ukupno su pristigle ponude od strane 2 ponuđača koje su blagovremeno zaprimljene;
- neblagovremeno zaprimljenih ponuda nije bilo.

U postupku evaluacije ponuda utvrđeno je slijedeće:

Oba ponuđača koja su blagovremeno dostavili ponude (SELA d.o.o. i BOSMAN d.o.o.) su dostavili potrebnu dokumentaciju traženu tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikacije ponuđača, shodno kriterijima iz tenderske dokumentacije.

Naime, direktor je ocjenio da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu gore izloženog, direktor Javne ustanove je odlučio kao u članu 1. Odluke.

Pouka o pravnom lijeku: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.

DIREKTOR

mr. sci. Osman Delić

M. P.
Dostaviti:

- 1) SELA d.o.o. Sarajevo
- 2) BOSMAN d.o.o. Sarajevo
- 3) za objavu na web stranici Javne ustanove;
- 4) u spis predmeta.